



Universitätsbibliothek Paderborn

Dei Immortalis In Corpore Mortali Patientis Historia

Stanyhurst, Guillaume

Coloniæ Agrippinæ, 1694

§. III. Oratio boni latronis ad Christum.

[urn:nbn:de:hbz:466:1-49178](#)

348

De Christo patiente

Ioan. 18.

2.

qui nihil mali gessisti, malos male perdes. Quare o-
ro cum Ecclesia, ego indignus Ecclesiae filius: Re-
cordare Iesu pie quod sim causa tuae viae, ne me perdas illa
die; ut possis dicere de hac turba, quod olim de e-
xiguo Apostolorum grege, Non perdidit ex cunctis quem;
quam.

§. III.

Oratio boni latronis ad Christum.

Deut. 21,

23.

Gal. 3.13.

C Essel jam veritas oraculi tui, ô Moyses: Ma-
ledictus omnis qui pendet in ligno : quando qui
malè vixerat, latro, benedictus est ab illo, qui pro
nobis factus est maledictum, per illud in quo pepen-
dit lignum, obtinuit Regnum, numquam fortu-
nator, quam in hoc suo infortunio: servatus est
pereundi occasione. Qui ubique fuerat vagus,
ubi profugus, fixus fuit in cruce, ut inveniretur à
Deo crucifixo. Dei absolutus est in foro, statim
ac damnatus est in suo. Dicendo Christum nihil
gessisse mali, jam desierat esse malus, supererat ut
inciperet esse bonus, Hoc jam agit. Quare post-
quam increpuerat blasphemantem sociū, Chri-
stum agnoscit suum Dominum, dicens: Domine
memento mei, cùm veneris in Regnum tuum.

Ps. 144.

13.

Ps. 24. 16

Scio te Regem esse, tametsi non videam nisi
spineum in vertice lertum pro corona, patibu-
lum pro solio, sanguinem pro murice, clavos
pro gemmis, pro palatinis, duos latrones: tamen
Rexes tu. At Regnum tuum non est de hoc mun-
do : sed Regnum tuum, est Regnum omnium saculo-
rum: est Regnum, cuius nullus est finis. Cùm ve-
neris ad illud regnum, memento mei. Ah Domine,
respice in me, & miserere, quia unicus, & pauper sum
ego.

ego. Ignosce Domine, quod enim tuum imploratum patrocinium, non est audacia, est fiducia. Memento mei, quia tu me creasti. Memento mei, quia me redemisti. Memento mei, quia me illuminasti, quia apud te pendo, quia in te credo, quia in te confido, quia in neminem, nisi in te spero. O Auctor vitae! vita mea! o vita vitae meae! Memento mei tecum morientis. Plus apud te valeat sanguis ille tuus, quem hodie pro me effudisti, ut memineris, quam scelera omnia mea, ut mei obliuiscaris. Ambo ut fures condemnamur, ambo ut malefactores crucifigimur, ambo ut latrones morimur: quare Domine Memento mei, ut qui unà abimus è mundo, unà abeainus ad cœlum, ut qui sum socius pœnæ, sim & socius gloriæ, ut qui te agnovi Dominum in ligno, videam & Dominum in Regno. O Domine, exaudisti orantem Jonam in ventre ceti, Danielem in lacu Leonum, Josephum in Aegyptiatico carcere, Jeremiah in obscuro specu, & me juxta te, me confidentem in te, me in cruce tecum morientem non exaudies? Ecce jam oculi mihi franguntur, vultus pallit, sudore erumpit, cor palpitat, lingua silet, spiritus deficit, vires fatiscunt, mors imminet, anima egreditur, jam morior: ah! Domine, Deus totius consolationis, in tantis angustijs, intam lubrica arena, in tam ancipiti tramite, in hoc extremo angore, haec sint mea ad te extrema verba: Domine memento mei. Attende quis ea locutus est? Latro. Cui? Christo. Ubi? In Cruce. quando? Jam moriens. Prodeant omnes fures, & cum hoc fure conferantur, inveniemus hunc omnium furum fuisse principem. Enim verò dum alij furentur, vitam amittunt; hic verò furando vitam accipit. Discite hinc à latrone non latrocinium,

sed

Oratio
bonila-
tronis
ad Chri-
stum.

De Christo paciente

350 sed recte moriendi magisterium. Vis per compendium tendere ad cœlum? Confuge læpe ad Crucis lignum. Audi Chrysostomum; Iste latro de ligno mercatur salutem, furatur cœlestis imperium. Recte mercatur salutem. Quo pretio? Non prolixâ, ut Eremicola, inediâ; non ut Confessores, lacrymis, suspirijs, cilicijs: ut non Virgines, perpetua contralibidinem luctâ: non ut Religiosi, paupertate, castitate, obedientiâ: non ut Martyres, igne, rotis, equuleo, gladio. Quo ergo pretio? Paucis verbis. Dixit ultimo prope vitæ momento, semel memento, & ecce fruitur paradiſo. Sed si vis Deum meminisse tui, tu quoque memineris meminisse Dei. Tu vis Deum meminisse tui in morte, & semper oblidisceris illius in vita. Dum jaces æger in lecto; dum venisti in altitudinem maris, & tempestas demersit te; dum angustiae tibi sunt undique, clamas: *Domine memento mei.* Interim surgis mane, studes de die, comedis in meridie, cænas vesperi, quiescis in nocte, & nunquam memor es Dei. Nullum est momentum, quo tibi non invigilat Dei Providentia, quo non defendit Dei Potentia, quo non servat Dei misericordia, quo non amat te Dei bonitas, & tamen tot inter beneficia nunquam memor es Dei. Hoc est quod conqueritur Deus ore Jeremias: *Populus meus oblitus est mei diebus innumeris.* Ah Domine! non dicam cum latrone: *Memento mei,* ne forte memineris iniquitatum mearum, & detestaris me. Ne memineris mei. *Quid enim est homo quod memor es ejus?* Memento ergo non mei, sed tu. Cum oblitus fuero salutis meæ, memento amoris erga me tui; memento sanguinis tui profusus; memento doloris tui, quem sustinuisti coronatus spinis; memento crucis tuæ, quam pro me

**Hom. de
Cruce &
Latrone.**

**Quanta
sit Dei
oblivio
inter
homi-
nes.**

Ier. 2. 32

Ps. 8. 5.

me tulisti; memento mortis tuæ, quam pro me
confixus clavis obivisti. Horum memento: nec
enim potes meminisse tuñ, & oblivisci meí, quia
in manibus scripsisti me, imò & in medio cordis
tui. Non potes meminisse te esse mortuum, quin
simul occurrat ille, pro quo mortuus es. Hoc et-
gò unum, nec pluribus opus est, à te peto vivens,
& petam moriens, ut sūn particeps regni tui: D.
mīne memento mei.

§. IV.

Christus latroni promittit paradisum.

AUdivimus latronem, non jam latronem, sed
acceli prædonem, Christi præconem, Crucifi-
xi confessorem, è patibulo velut è pulpito; pro-
se paucis, sed nervosissimis verbis laconicè per-
orantem: inquitamus an etiam perotando exo-
raverit. Importuna quibusdam videri posset hæc
latronis oratio, si speas & illum qui petit, &
tempus quo petit. Qui petit, est vir sanguinum,
eui unum fuit per totam vitam negotium, exer-
cere latrociniū: verè servus nequam, invetera-
tus dierum malorum. Is nullâ præmissâ vel ante,
quam petat, præfatione; vel cur petat, excusatio-
ne; vel ut possit petere, obtestatione, audacter si-
ne fronte, inverecundè sine reverentia dicit; Me-
mēto mei. Vix meminit sibi ad crucem adstantis
Matris, & scilicet, meminerit latronis? Dixisset
hic Christus non immeritò, quia merenti, illud
Davidicum: *Viri sanguinum declinate à me.* Dicat Ps. 138.
Mater ejus; dicat discipulus, quem ille diligit; 19.
dicat Magdalena, quæ lacrymis lavit pedes ejuss;
dicat Petrus, qui ejus gratiâ reliquit omnia, &
secu-